

ایکینچی سنه

نومرو : ۱۴

خزینہ اوراق

تاریخ تاسیسی

۱ مایس سنه ۱۲۹۷



مؤسی

محمود جلال الدین



تاریخ طبع
ونشر

۱۲
نفسان
۱۲۹۹

بو رساله ادبیه جمعہ ایرتسی کونلری چیقار

اسکی برگزملدر

—

خط عذاری اول پرینک برکتاب ناز

ابروی وزلف و خالی نیچه فصل و باب ناز

بر شاه حسنه کوکلی و پردم که دیده سی

هم خسته هم غنوده جلیباب خواب ناز

زهره جبین و مشتری طلعت قر غدار

مریخ چشم و ابرو هلال آفتاب ناز

صهبای جامی نیلیهیم سنسنز ای پری

مست نکاهک ایتدی بنی چون خراب ناز

دستگیر اولمق کبارك شایدر افتاده
رفع ایدر بر شبنم ناچیزی بردن آفتاب
حق و باطل نور عدل ایله نمایاندر «سعید»
فرق اولتمز نیک و بد کتسه نظر دن آفتاب



زرفا - تاریخ طبیعی

زرفا غایت زینده و بیوک بر حیوان اولوب حیوانلرک
اک برنجیسی واک نافعلرندن معدوددر.

بجاقلری متناسب دکلدر زیرا اوک ایاقلری اردایا-
قلرندن برقات دهها اوزون اولدیغی جهته قوای
موجوده سنی استدیکی وجهله اداره ایدهمز یوروشی صاللا نیقلی
وحرکاتی اغردر. یانی حالنده دشمنلرندن فراره قادر
اولدیغی کبی خانکی حالنده دخی صاحبنه خدمت ایدهمز.
زرفا طبعاً قلیل الجماعه اولوب نوعاً و موقعاً افریقای
جنوبینک صحرا لایته منحصر و محدود قالمشدر.

حیوانات مذکوره قائماً طور دقلری و حال استراحتده
بولندقلری وقت بویونلری بر غرابت کسب ایدر حد

کاله واصل اولئرینک ارتفاع قامتی یردن تا باشلرینک
اوزرینه قدر اونیش اون التی قدم راجه لرنده در .

زرفانک در یسی قزیل و یاخود زمینی بیاض قوی
وصاریجه رنکده لکه لاله متلون اولوب اشبولکه لر یکدیگرینه
قریب و بعضاً مدور و یاخود قطع طولانی شکل لرنده در .
ترقی سن ایله لکه لر اسمرلنوب کیتدکجه سیاحلشور
زرفانک باشنک هیئت برآز قویونک باشنه مشابهتی واردر .
بونک دخی اوزرنده طبق جلدنک اوزرنده کی لکه لر کی
کوچک لکه لر موجوددر .

(مابعدی وار)

(احمد جدی افندی)



اولونیه لی عزتلو ثریا بک افندی طرفندن کلمشدر

—

بر نسخه سی کچنده مطالعه کنارم اولان (انوار ذکا)
نام مجموعه موقوته ده مجوهرات حقنده بعض معلومات
مفیده کورلمش و بوندن ایکی سنه اول بوکا دائر طرف
کترانه مدن دخی بر مقاله یازادیغی خاطر کنار اولمش
اولسیله اوراق پریشانه مراجعت اولنه رق مذکور مقاله